



Broj: 06-43-1-1574-2/2025
Sarajevo, 05.05.2025. godine

**REPUBLIČKO JAVNO TUŽILAŠTVO REPUBLIKE SRPSKE – POSEBNO ODJELJENJE
OKRUŽNA JAVNA TUŽILAŠTVA
KANTONALNA TUŽILAŠTVA
N/r glavnog tužioca**

Predmet: Statistički podaci o predmetima za krivična djela počinjena iz mržnje za 2024. godinu, traže se -

Veza: Dopis VSTV BiH broj 06-43-1-1660-2/2023 od 03.05.2023. godine

Poštovani,

Bosna i Hercegovine je preuzela obavezu da prati i na godišnjem nivou izvještava OSCE Ured za demokratske odnose i ljudska prava (OSCE-ODIHR) o predmetima za krivičnim djelima počinjenim iz mržnje.

Podsjećamo Vas da je Visoko sudsko i tužilačko vijeće Bosne i Hercegovine (u daljem tekstu: VSTV BiH) o predmetnoj obavezi obavijestilo sva tužilaštva dopisom, broj i datum veze, uz zahtjev da tužilaštva kontinuirano vode evidenciju o predmetima za krivična djela koja su počinjena iz mržnje na obrascu Upitnika OSCE-ODIHR.

Shodno navedenom zahtjevu VSTV BiH potrebno je da statističke podatke o predmetima za krivična djela počinjena iz mržnje za 2024. godinu unesete u Upitnik OSCE-ODIHR, koji je u vidu excel tabele dostupan tužilaštvima na Internet adresi: <https://vstv.pravosudje.ba/vstvfo/B/141/article/134918>

Podsjećamo da je u Upitnik OSCE-ODIHR potrebno unijeti statističke podatke o broju predmeta u kojima je podignuta optužnica u 2024. godini, kao i broj predmeta u kojima je donesena osuđujuća presuda koja je postala pravosnažna u 2024. godini. Prilikom unosa podataka prema vrsti krivičnog djela potrebno je, pored specifikacije relevantnih krivičnih djela propisanih Upitnikom OSCE-ODIHR, uzeti u obzir i predmete za druga krivična djela počinjena iz mržnje shodno krivičnim zakonima u BiH, kao što su, krivična djela iz člana 145a. Krivičnog zakona BiH (Izazivanje nacionalne, rasne i vjerske mržnje, razdora i netrpeljivosti), člana 163. Krivičnog zakona Federacije BiH (Izazivanje narodnosne, rasne i vjerske mržnje, razdora ili netrpeljivosti), člana 359. Krivičnog zakonika RS (Javno izazivanje i podsticanje nasilja i mržnje) i člana 160. Krivičnog zakona Brčko Distrikta BiH (Izazivanje nacionalne, rasne i vjerske mržnje, razdora ili netrpeljivosti). Podaci za predmete za ova druga krivična djela (sa nazivom krivičnog djela iz odgovarajućeg krivičnog zakona) se iskazuju u naznačenim dodatnim rubrikama u pojedinačnim tabelama u Upitniku OSCE-ODIHR (Ostalo 1, itd). Ukoliko je unesena vrijednost u dodatnu rubriku Ostalo 1. potrebno je u polje koje se nalazi ispod tabele unijeti poslovni broj predmeta u kojem je podignuta optužnica i naziv krivičnog djela.

Nadalje, potrebno je da osigurate da se navedeni Upitnik OSCE-ODIHR popuni na osnovu neposrednog uvida u spise predmeta. Na prethodno navedenoj internet adresi možete preuzeti primjer popunjenog Upitnika OSCE-ODIHR koji se može koristiti prilikom popunjavanja Upitnika OSCE-ODIHR. Svrha ovog primjera je da se tužilaštvima pomogne da popune

različite tabele u Upitniku OSCE-ODIHR, tako da podaci o predmetima budu usklađeni bez obzira što se prikazuju po različim kriterijima u odgovarajućim tabelama. Molimo da prilikom popunjavanja Upitnika OSCE-ODIHR imate u vidu napomene navedene u dopisu veze, koji dopis je postavljen na gore navedenoj Internet adresi.

Potrebno je da popunjeni Upitnik OSCE-ODIHR dostavite VSTV BiH **najkasnije do petka, 16.05.2025. godine**, putem elektronske pošte na adresu: vstvpravosudnauprava@pravosudje.ba, kao i anonimizirane optužnice i presude za koje dostavljate podatke u navedenom Upitniku.

Molimo da prilikom dostave odgovora na ovaj dopis, u elektronskoj pošti ili word dokumentu, bez posebnog unošenja tih podataka u Upitnik OSCE-ODIHR, naznačite da li je bilo predmeta u tužilaštvu čijim radom rukovodite u kojima su donesene osuđujuće presude u 2024. godini, ali koje nisu postale pravosnažne u istoj godini, kao i njihov ukupan broj.

Dodatno, ovaj dopis se ne odnosi na Tužilaštvo Bosne i Hercegovine, Tužilaštvo Brčko Distrikta Bosne i Hercegovine i Kantonalno tužilaštvo Posavskog kantona, obzirom da su navedena tužilaštva VSTV BiH dostavila relevantne podatke za 2024. godinu.

S poštovanjem,


Predsjednik VSTV BiH
Samir Bogunić

Dostaviti:

- Naslovu;
- Tužilaštvo Bosne i Hercegovine, Tužilaštvo Brčko Distrikt Bosne i Hercegovine i Kantonalno tužilaštvo Posavskog kantona – za informaciju;
- a/a.